



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geistliche Hauß-Bibliothec

Allgemainer Hauß-Catechismus/ Das ist/ Kurtze vnd gründliche Erklärung
aller derjenigen Lehren/ welche ein jeder Christglaubiger Mensch zur
Erhaltung vnd Beschützung seines Glaubens wissen/ vnd sonderlich in
Obacht nemmen soll

Lohner, Tobias

München, 1685

10. Einred.

urn:nbn:de:hbz:466:1-44834

kein Sünd sey/ so lang er nicht darein verwilliget / sondern widerstrebt : Zum andern ist zu wissen/ daß die erste Bewegnuß diser Neigung/ vnd Begierlichkeit / welche dem Verstand vorbricht / auch kein Sünd sey: Drittens ist zu mercken/ daß die Einwilligung in die Begierlichkeit ein Sünd sey/ welche Einwilligung aber kan vnd sol von vns (mit Göttlicher Beyhülff) außgeschlagen/ vnd vermeydet werden. Wer das wol verstehet/ wird auch gesehen/ daß alle zehen Gebott/ nicht allein mit Worten vnd Wercken/ sondern mit den Gedancken möglich zu halten.

Zehendte Einred.

Die Catholische solten das Nachtmahl halten/ wie es Christus gehalten.

Antwort.

Das solten die Un-Catholische auch thun: Solten erstlich vor der Haltung des Nachtmahls einander die Füß waschen/ wie Christus gethan / vnd hernach zu thun ernstlich befohlen hat : (1. Joan. 13.) solten das Nachtmahl nicht Morgens/ nüchtern/ sonder zu Abend nach dem Nachtessen/ nach dem Osterlämblein niessen/ vnd empfangen: solten nicht mehr als zwölff darbey seyn/ kein Lay/ kein Weibsperson/ sondern ein Judas: solten auch das Brodt brechen/ vnd in Syrischer Sprach den Segen sprechen: solten alle auß einem Kelch trincken/ vnd zwar also/ daß nicht vonnöthen zweymal

mal einzuschicken. Wann sie dises alles zuvor halten/ wollen wir sehen/ was rathsamb sey nachzu- thun.

Elffte Einred.

SAs hat zwar seine geweihte Weeg/ allein want gleich dises/ vnd andere streitige Puncten bey den Catholischen wahr geheissen/ vnd für recht erkannt werden/ sehe ich doch nit/ wie die Entziehung des Kelchs zuentschuldigen/ wordurch vil tausend Menschen vom Pabstum abgescröckert werden: vnd zwar nit vnbillich: dann durch solchen Kirchenraub die arme Lānen betrüglich geärgert werden.

Antwort.

SAs wäre vil/ vnd vor GOTT dermal eines vnverantwortlich/ im fahl es wahr wäre: Es fehlet aber soweit/ daß vilmehr die Vn-Catholischen eines solchen Kirchenraubs theilhaftig/ in dem sie die Firmung/ Buß/ Priesterweih/ die Ehe/ vnd letzte Delung/ von Christo eingesetzte Sacrament eigenem Befallen nach abgeschafft.

Zwölffte Einred.

SEm sey wie ihm woll / so hat der Pabst das Abendmal durch Entziehung des Kelchs vermindern / zerrinnen / vnd zerstückeln lassen / welches dann vor GOTT / vnd der Welt vnrecht.

Ant: